



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

19 մարտի 2026 թվականի N 328 - Ա

ԳՈՒՅՔ ՀԵՏ ՎԵՐՑՆԵԼՈՒ, ԱՄՐԱՑՆԵԼՈՒ ԵՎ ԱՆՀԱՏՈՒՅՑ
ՕԳՏԱԳՈՐԾՄԱՆ ԻՐԱՎՈՒՆՔՈՎ ԱՄՐԱՑՆԵԼՈՒ ՄԱՍԻՆ

Հիմք ընդունելով «Բաժնետիրական ընկերությունների մասին» օրենքի 68-րդ հոդվածի 6-րդ կետը, «Կառավարչական իրավահարաբերությունների կարգավորման մասին» օրենքի 5-րդ հոդվածի 7-րդ և 9-րդ հոդվածի 5-րդ մասերը և Հայաստանի Հանրապետության կառավարության 2023 թվականի ապրիլի 21-ի N 595-Ն որոշման 2-րդ կետի պահանջները՝ Հայաստանի Հանրապետության կառավարությունը **ո Ր Ո Շ ՈՒ Մ Է.**

1. Հայաստանի Հանրապետության սեփականությունը հանդիսացող՝ 1 131 656 377.90 դրամ շուկայական արժեքին մոտարկված կադաստրային արժեքով՝ քաղ. Երևան, Կենտրոն, Մյասնիկյան պողոտա 5/1 հասցեում գտնվող գույքից Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեին ամրացված (այսուհետ՝ կոմիտե) 0,3501 հեկտար մակերեսով հողամասը և վարչական շենքից 824,79 քառ. մետր մակերեսով տարածքը, 74,7 քառ. մետր մակերեսով պահակակետը, 91,9 քառ. մետր մակերեսով լաբորատորիան, 118,9 քառ. մետր մակերեսով պահեստը, 68,7 քառ. մետր և 30,3 քառ. մետր մակերեսներով օժանդակ շինությունները (20.10.2025 թվականին գրանցված անշարժ գույքի նկատմամբ իրավունքների

պետական գրանցման թիվ 20102025-01-0100 վկայական, այսուհետ՝ գույք 1) հետ վերցնել կոմիտեից և ամրացնել Հայաստանի Հանրապետության հանրային ծառայությունները կարգավորող հանձնաժողովին (այսուհետ՝ հանձնաժողով):

2. Կոմիտեին ամրացված՝ Հայաստանի Հանրապետության սեփականությունը հանդիսացող՝ 954 502 282 դրամ շուկայական արժեքին մոտարկված կադաստրային արժեքով՝ քաղ. Երևան, Մալաթիա-Սեբաստիա, Ծ. Իսակովի պողոտա 50/12 հասցեում գտնվող շենք-շինություններից ինժեներական մասնաշենքի 8-րդ, 9-րդ, 11-րդ և 12-րդ հարկերն ամբողջությամբ համապատասխանաբար 404.3, 403.6, 403.8 և 403.7 քառ. մետր մակերեսներով (29.12.2020 թվականին գրանցված անշարժ գույքի նկատմամբ իրավունքների պետական գրանցման թիվ 29122020-01-0288 վկայական, այսուհետ՝ գույք 2) հետ վերցնել «Հայկական ատոմային էլեկտրակայան» փակ բաժնետիրական ընկերությունից (այսուհետ՝ ընկերություն 1) և անհատույց օգտագործման իրավունքով տրամադրել Հայաստանի Հանրապետության տարածքային կառավարման և ենթակառուցվածքների նախարարության «Էներգետիկայի գիտահետազոտական ինստիտուտ» փակ բաժնետիրական ընկերության «Էներգակարգաբերում» մասնաճյուղին (գրանցման համար՝ 264.065.1078439, այսուհետ՝ ընկերություն 2):

3. Կոմիտեի նախագահին՝

1) սույն որոշումն ուժի մեջ մտնելուց հետո երկամսյա ժամկետում ընկերություն 1-ի հետ ապահովել 2010 թվականի ապրիլի 30-ին քաղ. Երևան, Մալաթիա-Սեբաստիա, Ծ. Իսակովի պողոտա 50/12 հասցեում գտնվող գույքի նկատմամբ կնքված ոչ բնակելի տարածքի անհատույց օգտագործման թիվ 15/0010 պայմանագրում սույն որոշման 2-րդ կետից բխող համաձայնագրի կնքումը՝ դրա հետ կապված ծախսերն իրականացնելով ընկերություն 1-ի միջոցների հաշվին.

2) սույն որոշումն ուժի մեջ մտնելուց հետո մեկամսյա ժամկետում ընկերություն 2-ի հետ լուծել 2025 թվականի հուլիսի 28-ին գույք 1-ի նկատմամբ կնքված ոչ բնակելի տարածքի անհատույց օգտագործման թիվ 33/0025 պայմանագիրը՝ դրա հետ կապված ծախսերն իրականացնելով ընկերություն 2-ի միջոցների հաշվին.

3) սույն կետի 1-ին ենթակետում նշված աշխատանքների ավարտից հետո երկամյա ժամկետում ընկերություն 2-ի հետ կնքել գույք 2-ի անհատույց, անժամկետ օգտագործման տրամադրման պայմանագիր, դրանում սահմանելով, որ պայմանագրի հետ կապված ծախսերը ենթակա են իրականացման ընկերություն 2-ի միջոցների հաշվին.

4) սույն կետի 3-րդ ենթակետում նշված աշխատանքների ավարտից հետո հանձնաժողովի հետ համատեղ ապահովել գույք 1-ի հանձնման-ընդունման աշխատանքները:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան